

善化縣志

地 270 4
35
2

嘉慶戊寅年鑄

善化縣志

續脩善化縣志序



余素有文字癖亦多有文字緣初奉
簡湖南寧鄉其地去善化百里而事
簡於善約十之二三宰故多暇日暇
故得與其邑人士講論文字上自三
代下逮兩漢每淫沒不輟而凡挾文
序

章而來質者莫不欣々然退而喜曰吾
邑有文學宰也夫以余有文字癖而即
得斯地以遂其癖是則余之幸也然余
非必能文而一行作吏仍復淫々與文
字為緣是又重余之愧也憶去歲之
春余自省四寧宴寧邑人士於雙梧

堂念曰吾邑志自李侯成一帙垂六十
餘年其間待纂輯者甚繁今亟擬
續脩請尸其事余愧歎辭既又念
此儒者作吏事矧

皇上續脩一統志而湖南大吏又將續脩
省志並飭各郡縣一體脩輯以待纂

序

二

入省志余烏乎辭於是與寧邑人士
籌經費定章程數月之間粗有規模
而其志固猶未成也十二月大吏檄
余遷善迺去寧余方謂善附省會簿
書控僇而今而後無復尋文字緣雖
有癖而苦無暇日乃前令載唐質先生

主脩善志與余主脩寧志直先後間
事而未成猶余脩寧志也而余於斯道
踵之信夫余多與文字為緣乎抑有
癖在而造物遂必以此相餉遺耶雖
然余於寧志之未成者已思過半也
寧簡而寧暇也今善志未成而遺於

序

三

余不及與諸君子共相考核善繁而
寧無暇也迄寧善之明年諸君子繕
其成稿質余補舊增新綱舉目晰余
勉為校勘付諸剞劂即以余於寧志
未及成而遷善而善志又自前令肇
情諸君子纂輯之力余因藉手觀成

之故為之序余負文字緣矣或曰余
於二志皆得挂名六文字癖之報然
寸心千古余且歎然抱愧之未遑名
云乎哉

賜進士出身即用知縣補授湖南長沙府
寧鄉縣知縣調授善化縣知縣山東

序

四

之果五餘英菊潭氏題

序

聚一邑之山川風土典章人物咸備於一
書非若制藝之造局謀篇賦物之俛紅儷
句可任吾意之雕鏤以為工也輪轅之耳
目不克徧及於職方賓客之游談未必盡
符於誦訓郢書燕說襲謬踵譌其何以信
今而傳後乎江淹有言作史之難無出於
志鄭夾漈曰志之大原起於爾雅司馬遷
曰書班固曰志蔡邕曰意華嶠曰典張勃
曰錄何法盛曰說餘史并承班氏謂之志
要皆詳於浮言略於事實不足盡爾雅之
意然則志之為義固在於考核之精詳矣

尠見寘聞懼無能為後爰與兩學師謀諸
邑紳再四商榷往復周詳於是構設志局
籌畫經費擇舉編纂叅校皆秩秩乎有條
不紊賴諸紳力得相與以觀厥成甚盛事
也方欲詳定章程斟酌去取不泥於古不
戾於今旋以微疴乞假未獲究業藥爐卧

榻靡日忘之幸吾宗菊潭先生接篆草創
潤色凡十閱月書成菊潭已詳敘其顛末
邑紳等以書示余余受而讀焉美哉儀象
則考驗無訛疆域則廣輪胥備典章制度
纖悉必詳沿革廢興查考必核風俗足以
當陳詩人物足以協輿論物產足以察民

善邑之志肇自前明唐侯迄乾隆丁卯疊
修以後凡七十年山川城郭如舊闌闌則
殷賑而布列烟戶則櫛比而加增風俗則
由樸而華人物則相觀而善其他祠廟佛
寺之煥新道路津梁之修舉嬰堂學田義
山之綜理周密

三

太平景物百倍從前恭逢我

國家

累洽重熙養育甄陶海澨山陬咸霑

聖化由一邑之氣象可以占寰宇之休嘉表揚

紀載非有司責歟歲丙子 藩憲續修通

志頒定格式飭令各屬成書勲承之茲土

依此豈經生剽襲緣飾之空談哉唯菊潭
學有淵源才優撰述故能使操觚諸君子
蒐羅完備檢校詳慎各盡所長雖載言十
道吉甫元和當不過是也勲復何能贊一
辭哉喜邑人之有古道猶念經度之初心
也遂勉為之序

四

特調湖南長沙府善化縣知縣加五級紀錄十
次載賡王勲譔

明萬歷癸丑序

邑人黃洽中

京臺

志之爲義從言爲誌惟詩言志而二南著其始列國昭其變雅頌具其禮樂故實可采燉慝可鑒蓋詩中有史矣乃志也者其事則乘而無取駢麗其文則史而弗諧聲偶徵文詢獻考古鏡來攄人心之憤發垂一代之典章謂志爲詩之遺也可我國家例自一統而下郡有郡志邑有邑志而善邑缺然創之自今日唐侯始誠曠舉也楚地最大而潭甲諸郡控御爲艱方城以內始合而析再合而再析以邑據嶽麓之勝在昔爲名賢講習之所一時人士彬彬顧化於是乎地以人重而善化之名稱焉循名思義洎善化縣志

善化縣志

卷之首

舊序

二者宜用廩廩矣賈生號通達國體其策治安至薄薄期會爲細故而以移風易俗非俗吏之能愚不敢謂然其時禹貢猶餘秦燒未燼加以漢高寬仁孝文恭儉物易復人共其生議者不得不先教化而今何如也善乎子之言曰聖人治天下使有菽粟如水火菽粟如水火民焉有不仁者乎竊以爲欲富而教舍簿書期會無足述者蓋事無細大理無雅俗浮涉之則錢穀刑名之具精之皆經濟道德之猷也是故戴星而人可以教勤雨不期可以示信弛罰緩用可以昭儉省耕察歛可以重時情字弱可與宣慈尙德貴齒可與明讓立苗去害可與

赤校藝升俊可與興學飭保伍甲鄉社可使席帖而歌絃
汰治表貞獎恬抑競可使礪節而砥行諸如斯類有好必
甚服而習之風俗自同嘗觀孔子攝相三月用魯一變之
意必有驚世幻俗之爲而事道獵較取供簿正以此化民
以此及物始信庖丁之解牛也以無厚入有間恢恢餘地
進乎技哉夫有一事卽具一本正其本事自理謂簿書期
不可語於移風易俗是釋斧斤芒刃之用而奏耒耨理
之效也必不幾矣昔人身都三公恨未爲令而今昔勢
擊肘借喻抑聖詰之觀政與末世之采風莫可同與又
各行其志耳唐侯爲政三年潔已愛民我誨我殖日有
化縣志

卷之首

舊序

二

績因以其政著爲志舉舊告新嘉會良遠也愚爲之次
畧如此

教諭陸寬

涉於楚爲鉅郡茅土所胙國家倚爲長城善化隸之稱
劇焉邑故未有志御事者披牒問言輒相與咨嗟而藉
載筆歲庚戌崑來唐侯涖茲土搜掌故知邑志缺慨然
一是何以徵文考獻宏化宜民乎哉屬以車甫下謙讓未
而且歲有旱魃野有蜚鴻寧其以撫循先撰述蓋越三
政通人和而始殫心於斯役也邑建置紀載頗多荒畧
是以蒐輯討究屬吳子道行而其大旨則依景臺黃公

所定公負直行富藏書援證持議卓有可據我侯虛心
訪折衷其肯綮而組藻其精華師虞之又同繹之以俾
校刻焉其言曰今天下自國史外郡若邑莫不有志善
化當楚孔道舟車絡繹民勁悍媮生而鮮積聚緡錢踐更有
租調之供逋逃有淵藪之萃幾不可問以至風俗之良莠
水利之蓄洩古道之修復一切興除皆當事所亟宜圖者
不佞受事按籍苦於無稽間出意匠經營變通之損益之
叅訂異同則姑存其說於志以俟來者且是編也未事
三巳事七八上自天文下逮地理人物藝文之屬凡有
於政體者備錄之不厭其奢後之君子入疆問政則惟
善化縣志

卷之首

舊序

三

志在噫嘻此其意不亦宏廓深遠哉夫善醫者察脈手測
其存活在一時惟是辨症繫方著爲成書使天下後世
操之以治病爲德始博侯之治則醫國之方而永賴之
也在史檣杌夔乎尙矣漢魏而下若荆楚歲時長沙岳
風土諸傳記有典贍如斯志者哉書成當必有與墳典
索并讀者

邑人 吳道行

今天下憲往章來無弗以志徵者善邑創自宋元符開
今五百年餘時事民生官聯文獻沿革損益不知凡幾
而可無志以紀之乎歲庚戌邑侯唐公以兩浙名家治

士輒雅意典故考之志而志闕如也則慨然以爲慨屬不肖使載筆焉不肖惴惴謝不敏迄癸丑我侯慮單於庶政神洽於四封百廢聿舉績用奏成重念志典不備謂一方文獻何遂毅然議撰著而仍以屬不肖夫子長八書必成之歷遊之後孟堅十志幾二十年始就不肖何人奚以稱塞益惴惴謝不敏乃巖論至再弗獲固辭而始飲冰受命爰竭愚陋博采詳蒐於省志郡志得十之四全史故籍得十之二而又叅之簿書所紀稽之鄉正所傳於是創著成帙首列以圖治沿革謂先王畫地親民無先邑治也乃察變授時準之天文志星野分別壤表用表厥鎮志地理民善化縣志

卷之首

舊序

四

與習移化以振習志風俗蕞爾土毛民用是需則壤成賦倍歛可虞志物產志賦役麓湘帶礪藩屏是基志封建惟令與師政教攸資志職官登明額俊蔚爲國器志選舉流英布愷德我黔黎志宦績懿履闕則人綱人紀志人物筴簠所駐風範如在志流寓公堂體國儲廩惠下樂育矜烏耀茲文明志建置志學校思患除戎禋祀崇報異跡芳踪仰止寄眺志兵防志祀典古蹟天人應感可以徵變志祥異二氏蠶起世且溺趨志方外稗書臆纂足備周咨志雜紀若夫載事宜猷抒靈寄興文彩燦如弗可湮也志藝文勉撰凡若干萬言三閱月始就不肖蕪陋無當僅供搜葺

至於裁訂總核抽思振藻我侯以政優之下一著定之裕如也尋謂典屬宏鉅非至廣不能成至要稿甫脫旣以質之景臺黃公悉爲論次會吾師陸公來司風教我侯手是編特託刪潤焉則復與吾師饒公暨黃師伯仲吳生愉相與揚摧之繙牘詮正芟繁就簡則陸公之力居多始事於癸丑六月以甲寅五月竣役不肖幸藉手告成非敢自謂一方信史聊以載吾邑故實俾不蕪廢耳敬爲詳其由若此後之生斯宦斯者於以敦紀宏化亦惟茲志在則是舉也或亦千百年不朽之規而我侯之垂澤遠爲德深矣

明崇禎癸酉序

知縣黃承中

善化縣志

卷之首

舊序

五

善化於星沙爲首邑湘嶽鍾靈先賢過化俊義炳烺夫非文獻與區哉而邑固未有志也萬歷癸丑武陵唐侯始創之以彙集屬吳生道行而學博恕之陸公鄉達景臺黃公司裁訂焉存古則幽遐備具識今則鉅細兼該所稱一邦信史非耶余不佞獲縮符茲土徵文考獻幸有茲志在乃刻本散佚無幾屢奉上臺檄取而杳無以應也且邇來世變多艱廢興靡一更宜詮次臚列於是仍屬吳生稽原本總時務詳核增損付之剞劂以告來者而余獨有感於晦明倚伏之故也以善之名邑其山川風景不依然往昔也乎乃物力由豐而絀戶口由蕃而耗征歛由約而盈俗尙

由淳而澆百度由舉而做兼之兵興震鄰餉派日增余猥以謏陋拮据宵旦靡遑志所已事亟遵之志所未事亟行之環視提封謚如綏定以庶幾於邑志萬一而今且一割無裨弛擔以去余三復掄批覺思且愧矣雖然茲志之所爲載也寧惟是侈景物豔觀美已耶將民風吏治必有隱約以見者後之君子因時考事因事稽籍於以抒猷達化而維茲江河之趨則茲志詎一虛車云乎哉斯固余今日存志之意因僭附數言於簡端云

本朝康熙壬子序

邑人李有藻

古國史而外郡邑各有志志卽史也善化獨無志者何非善化縣志

卷之首

舊序

六

無志也善化自宋元符始建初則隸長沙焉明萬歷癸丑武陵唐公源涖茲土搜掌故知邑志缺如於是以蒐葺討論屬吳公道行而其大指則從景臺黃公所定歷甲寅始告成迨崇禎癸未冬獻賊犯長脇從甚衆甲申左兵驕悍焚殺無遺遑問所爲志耶

皇清定鼎蕩掃寇氛四方底定歌太平者三十年

詔修一統志爰省徵府府徵縣其有未經兵燹受禍稍淺者俱得以志報善化求隻字杳不可得壬子有藻省試南歸邑侯孫公忽召藻與李生焜俱惴惴謝不敏繼出同庠公舉嚴諭至再弗獲固辭而李生焜就館遠鄉藻何人敢當此

任又不敢重却邑侯命勉焚膏呵凍竭日夜之力從府志中摘取僅得什之一二叅以父老傳聞創著成帙寧簡毋繁要傳信不傳疑也時上臺檄取甚嚴迨甫一月稿就不自知其鄙陋聊以塞責云爾至裁訂潤色我侯博學鴻裁兼綜條貫將見燦然大備今日之志不居然後日之鼎彝乎謹識

本朝康熙乙丑序

知縣孫謙

古今事物之理莫不載於經史至於經史所未詳者而志備之志顧不重與然而難言矣夫志近於史而原於經作史不由於經則無本之辭蹄涔焉而已修志不宗乎史則善化縣志

卷之首

舊序

七

無體之學均堂焉而已故曰修志之難同於作史善化爲星沙首邑湘嶽鍾靈名勝實甲於他郡而又經先賢倡教贊化一時文獻濟美當必有志而可以爲今日考鏡之林者邇其由來善之有志自明季萬歷武陵唐侯倣創之而續修於崇禎蜀東黃侯過此遂無有繼起者謙自甲子五月下車竊以爲前事不終後人之耻矧恭逢

皇上帝學右文

詔天下郡縣纂修通志以昭當代大典以故各憲檄取邑志以咨討論遂不辭固陋而力任修輯但善邑當楚地衝道疊罹逆寇蹂躪圖籍散軼斷缺卽聞有殘編率多荒陋舛譌